

ՏԻԳՐԱՆ ՆԱԶԱՐԱՅԱՆԻ ՆԱՄԱԿՆԵՐԸ ԿՈՍՏԱՆԴԻՆ ՄԵԼԻՔ-ՇԱՀՆԱԶԱՐԱՅԱՆԻՆ

Հասարակական գործիչ, խմբագիր-հրատարակիչ, զրոգ ու թարգմանիչ Տ. Նազարյանը ծնվել է 1858 թ. Շուշիում, 1881 թ. հաստատվել է Թիֆլիսում, Հիմնադրել, հրատարակել ու խմբագրել է «Աղբյուր», «Տարազ» ամսագրերն իրենց հավելվածներով և մի շարք այլ ժողովածուներ, օրացույցներ (նաև ռուսերեն լեզվով)։ Հանգես է եկել ինքնուրույն գործերով («Ճպատդ քույր կտրի», «Արողա» պիեսները), ակնարկներով, հրապարակախոսական հոդվածներով ու թարգմանություններով։ 1919 թ. Ղարաբաղի և Զանգեզուրի հայոց հայրենակցական միության հանձնարարությամբ և Փարիզում գտնվող Ազգային պատվիրակության, գիտությամբ տեսակցել է Անգլիայի արտաքին գործոց նախարարության պաշտոնյաների, Հռոմի պապի ներկայացուցչի հետ։ Փորձել է եվրոպական մամուլի միջոցով հասարակական կարծիք ստեղծել հօգուտ Ղարաբաղի և Հայաստանի։ 1925 թ. վերադարձել է հայրենիք, շահագործել նպաստել Ղարաբաղի վերաշինությանը, այդ նպատակով կազմակերպել է Ղարաբաղի օգնության կոմիտեի Մահացել է 1926 թ. սեպտեմբերին՝ Թիֆլիսում։

Մտերմական պաշտոնական կապեր է ունեցել բազմաթիվ մտավորականների, հասարակական-քաղաքական գործիչների հետ։ Ստորև ներկայացնում ենք նրա նամակներից մի փունջ։ Քննադատելով պահվածքն և Ն. Չարենցի անվան գրականության և արվեստի թանգարանում, Տ. Նազարյանի ֆոնդում (գործ 257, թթ. 1—15)։

Ա. Ս. ՂԱԶԻՅԱՆ

Մեծարելի բարեկամ¹

2 մարտի 1882 թ.

№ 226 Շուշի

Անցյալ փետր. 17-ից գրած Ձեր նամակը ստացա, շնորհակալ եմ Ձեր համակրության համար։

Թիֆ. ընկ. հայ գրք. հրատ.՝ խնդրեցի Ձեր ձեռագրերը, խոստացան շուտով ինձ հանձնել։ Կաշխատեմ նրանցից ընտրություն անել և տպել, եթե հարմար լինի։ Ինչ կվերաբերե «Ղլըցէ կնանոց պէն-փէշակին»՝ թեև ես նրան իմ սեփական միջոցներով կհրատարակեի, բայց ի նկատի ունենալով, որ լյութորիէական դրված, թեև խոստովանում եմ բարբառների մշակության նպաստող և բավական կարևոր, բայց այնուամենայնիվ, խիստ քիչ տարածվող, ինչպես Դուք էլ Ձեր նախորդ նամակովը (օգոստոս, 881) միևնույնը հայտնել էիք, ուստի ստիպված եմ, թեև ինձ էլ շատ և շատ ցավալի է, գոնե առժամանակ թողնել այդ գրքույկը լույս ընծայելը, իսկ եթե ցանկանում եք, որ շուտով տպագրվի, այն ժամանակ եւ կը-դուռնեմ հրատարակելու միայն այն պայմանով, որ ծախսի $\frac{1}{3}$ մասը ես վճարեմ, իսկ $\frac{2}{3}$ -ը Դուք, և գրքույկները բաժանենք մեր երկուսի մեջ, ինձ վրա հաշվելով և ԱՅՈՐ-նի ու մյուս հիմնարկությունների, որոնց պարտավոր ենք ուղարկել գրքույկները, այսինքն տպվածի կեսը ամբողջապես Դուք կստանաք։ Իսկ Ձեր այն առաջարկության, թե ես իմ անունով հրատարակեմ և բոլոր ծախքը միայն Դուք հոգաք, դրան ոչ մի կերպ չեմ կարող համաձայնիլ, հավատացեք, որ ինձ համար անկեղծ համակրությունը շատ մեծ է և բարձր, քան նյութական օժանդակությունը։ Հավատացեք, որ եթե հրատարակություններիս վաճառման գործը մի փոքր լավ ընթանար, առանց ուղացնելու իսկույն կհրատարակեի, բայց դժբախտաբար շատ քիչ է վաճառվում։

Կարող եք և այսպես անել։ Ձեր «Ղլըցէ կնանոց պէն-փէշակին» խոստանալով. քննել առնվազն մի 25 ռուբլու և փողերը կանխիկ ինձ ուղարկել, որ տպվելուց ստանաք ձեր աշխատությունից 25 ռուբլու գրքեր (Ղլ. կն. պէն-փէշ.) և բացի այդ էլ 100 օրինակ ավելի՝ Ձեր աշխատության իբրև վար-

ձատրութիւնն: Բնէ խոստովանում եմ, եթէ միջոցներս ներքին, ավելի շատ կարող էիք ստանալ: Գրքուկից պետք է տպել 700 օրինակ, որովհետեւ ավելի բժշկար է տարածել, թեւեւ մինչեւ հիմա 1000—1200 օր. էի տպել տալիս, չախս լաւ թղթի վրա և լաւ թանաքով կնստեմ 40—45 ոտբլի, ուրեմն եթէ կամենում եք շուտով տպել և համաձայն եք առաջարկած պայմաններու մեկի հետ, ուղարկեցեք ինձ 25 ռ. և հաղորդեցեք, թէ որ պայմանովն եք համաձայնում և մինչև զատիկ արդեն լույս տեսած կլինի Ձեր աշխատութիւնը: Գինը 10—15 կ. կարելի է շանակել: Իսկ լեզվի համար ցանկալի էր, որ մի բանի խոսք ի նկատի բռնեայիք և թույլ տայիք ինձ ուղղել. օրինակ «հա» մենք ասում ենք «լըհա», (2 երես), ոչ թէ «խօխի ձէռքան փռնած», այլ ասում ենք «խօխին ձէռքան փռնած» և այլն:

Այստեղ տպարաններում որոշ գին չկա, կանխապես պետք է որոշել, թէ ի՞նչ թղթի վրա եք կամենում տպել, ի՞նչ դիրքով, ի՞նչ տառերով, որ ըստ այնմ դիճը որոշեն: Գրաքննիչի՞ կարելի է ուղարկել հետևյալ ձևով: Առաքելւանը այստեղ էր և գնաց դարձյալ Շուշի: Ուղարկում եմ 11 օր. «Սոխ. և խուլ», որից մեկը Ձեզ նվեր է, իսկ մնացյալը խնդրեմ վաճառել: Տեր Արսենից ստացեք ծախվածների փողը:

Ձեր Տ. Նազարյան
(ստորագրութիւն)

2

7 փետրվարի 1884 թ.

Միւրելի Կոստանդ-ջան!

Քեզ երկու նամակ էլ եմ գրել, հուսամ արդեն ստացած լինիս, բայց հոգիս, քեզանից վաղուց է նամակ չունիմ: «Աղբիւրի»² տարեդարձը տոնեցինք, Կոստանդ. քանի քանի անգամ քեզ հիշեցինք, կենացդ խմբեցինք, տեղդ շատ-շատ էր երևում, խմբագրութեան բոլոր անդամները խնդրեցին, որ իրանց կողմից քեզ շատ-շատ բարև և համբույրներ գրեմ: Լաւ քեֆ արինք: Բոլորը հարբել էին, ոչ ոք տուն չգնաց, մեկ-մեկ զարկել էին, բոլորն էլ հարբել էին: Ի միջի այլոց էր և «Նօբատի» վրաց մանկական ամսագրի խմբագիրը, նա էլ խնդրեց, որ հատկապես իր կողմից քեզ բարև գրեմ: Մի խոսքով, Կոստանդ, էդպիսի օրերում ավելի ընկերը-ընկերով միտն է ընկնում, ավելի է մրմնջում սիրտն ու հոգին: Բայց Աստված դարդումանի է, դոշ տու, շուտ արա պրծի, եկ: Այստեղ առանձին նորութիւններ չկան: Բարեկենդան է, ամեն օր դիմակահանդեսներ, պարահանդեսներ, երաժշտական երեկոներ է լինում բարեգործական ընկերութիւնների օգտին: Հայոց թատրոնն էլ մի կերպ քաջաշէլ է լինում, մյուս տարվանից կամենում են էլի նորոգել: Հա՛, քո պիեսաների համար Տեր-Գրիգորյանին³ քանի անգամ ասել եմ, պատասխանել է, թէ չեմ գտնում, չգիտեմ ով է վեր առել: Բայց ես յախիցը ձեռք չեմ վերառնում, խոստացել է մինչև ամսույս 10-ը անպատճառ գտնել և ինձ տալ:

Աղամյանը Պետերբուրգում ֆուրոր է հանել, ուսաց առաջնակարգ լրագիրները հիացած են: Անցյալ կիրակի կաթողիկոսի ընտր. պատգամավորների ընտրութիւնն էր, տեղիս լրագրութիւնը միմյանց միս են ուտում այդ խնդրի վերաբերմամբ: Պոլսում մի շատ մեծ դիրքով, ամենօրյա լրագիր է հրատարակվում՝ «Արևելք»⁴ վերնագրով:

Ինչպես տեսնում ես «Աղբիւրը» ներկա տարվանից ամսի սկզբներումն ենք հանում, արդեն № 3-ը կեսից ավելի շարված է, սպասում եմ անդադար «Մեր բարեբարների» շարունակութեան, որ կորցրել ենք և շատ-շատ ցավում ենք, որ № 2-ում չկարողացանք տպել, շատ հարմար էր...⁵ հետ այդ №-ում, հույս ունեմ այս ամիս կարողանանք տպել: Կոստանդ. քուքուլակ մի անիւթ, թեկուզ մի երես, միայն ամիս մի ձի համար բան հասցրու մեզ:

* Անընթեռնելի բառ (ծ. հր.):

Ճանապարհորդական գեղեցիկ տպավորութիւններէ շարունակութիւնը մնաց ու մնաց:

Գարոն⁵, Նեոնելովը, Աղայանը, Մնացականը⁶, Լեոնը և բոլոր մերոնք քեզ շատ բարեւ են անում:

Ինչպես կկարդաս Ձեռնարկի Աղայանի «Ձմեռը»՝ սառնամանիք վերտառով, մի հանգով ցնցորից դուրս բերինք:

Ոչինչ չես գրում քո մասին, ինչ ես անում, ինչ չես անում: Մկռյի երազը շատ լավն էր, շատ հավանողներ կան:

Հա, Կոստանդ, Զատկվա համար մի բաժն աշխարհից պատրաստի և էնպես արա, որ մինչև մարտի 10-ը ստացվի տեղս: Աղայանը Զատկվա համար Գարունն է նկարագրելու Ձմեռից հետո: Երևի արդեն փրանսերեն աշխարհում կոտորատում ես, այդտեղ եթէ մանկական ամսագիրներ ձեռքդ ընկնի, մի աչքովդ անցկացրու և մի հայացք ձգի, «Աղբիւր» ծնողների բաժնում դնելու: Ձեռքի հետ կլինի ծնողների բաժինը:

Դեռ այստեղ ցուրտ է և ձյուն է դալիս: «Վարժարանը»⁷ հրատարակվելու է, այսպես են ասում: Էլ ինչ գրեմ հոգիս, ուզում եմ երկար խոսել քեզ հետ, բայց այս անիծած քաղաքում մի բան էլ չկա, որ մեզ խոսացնելու առարկա լինի, առաջիկա ցտեսութիւն, քո Տ. Նազարյան (ստորագրութիւն):

3

«Աղբիւր»

ամսագրի խմբագրութիւն

Քիֆիւ

6 սեպտեմբերի 1885 թ.

Սիրելի Կոստանդին,

Նամակդ ստացա: Բրոշյուրներիցդ 50 օրինակ ուղարկել եմ Շուշի, որ քեզ տան, 50-ն էլ վաղը (այժմ ուշ է) փոստ կգցեմ քո անունով տեղդ, ինչ կուզես արա, բաժանիր կամ ծախիր, կամ ձրի տուր, 100-ը քո սեփականութիւնն է, գրիր Շուշուց ում հանձնեն:

Գրքերդ ուղարկել կտամ: Ցնցորը այստեղ չէ, Կոզմոր է, երկու անգամ գնացի, չկային, կաշխատեմ, հոգիս, շուտով քեզ հասցնել:

Նամակովս ուղարկում եմ Մ. Богданов-ի... [ռուս., անընթ.] պատկերները ստացել եմ նույնպես, ինձ քեզանից անշափ գոհ կանես, եթէ դրա պես մեր կյանքի հարմարը գրես գարու կամ ցորնի, կամ հաճարի արտի մասին, այնպես, որ պատկերները պետք գան: Եվ որքան շնորհակալ կլինիմ, եթէ հասցնես ինձ, մինչև ամսույս 20-ը: Գիտեմ, Կոստանդ, շատ ես զբաղված բայց դոշ տուր, ուղարկիր: Բացի այդ մի ոտանավորից, կամ բանաստեղծութիւնից մի բան ուղարկիր թե աղբեր ես: Այս Ձեռնարկի համար չկա: Քո Փիփին էլ տպեցի: Էլ քեզ ինձ մոտ բան չունիս առանց տպելու: Կուզես այժմ բաղադրող գրիր: Մի խոսքով, Կոստանդ, էս Ձեռնարկի պետք է շարունակ բան ուղարկես, թեկուզ ամեն անգամ մի երես, միայն թե ուղարկես: Եթէ այս համարից չդրկես (որի... ..):

Նիկ. Տեր-Ավետիքյանը⁸ և Սիմոնը ինձ մոտ են, քեզ բարեւում են:

Ուղարկում եմ թղթերս, հետո ետ ուղարկես, որ կտրելու եմ «Родник»-ները:

Քո Տ. Նազարյան (ստորագրութիւն):

P. S. Նորութիւնները կգրեմ, սպասում եմ պատասխանիս:

* Երկու բառ, անընթանելի (ժ. հր.):

3/VI. 07

Քիֆլիս

Սիրելի Կոստանդ

Նախ համբուրում եմ մայրիկիդ ձեռքը, սիրունիկ զավակներիդ և բարևներս Տիկին Սոփիային¹⁰ ու հ. Բաբգենին¹¹, որին նամակ առանձին չեմ գրում, շոգ է և սաստիկ զբաղված եմ մեր ընդհանուր գործերով, այն է՝ ս. էջմիածինը փրկելու իր լքյալ վիճակից:

Արդ լսիր և միասին հ. Բաբգենի հետ արեք ինչ հարկն է:

Ես արդեն արտասահման գրեցի, որ պետք է 60—70000ր. վանքի հողերը շրեյու համար, մոտ 6—7000 դեսյատին և հարմար բամբակի, խաղողի ևն: Մանրամասնություններ չեմ գրում, որովհետև գու պետք է կազմես ընդհանուր առաջարկ—ինվեստար վանքի և ապա տաս ինձ կոնցեսիա շահագործելու, բարեկամելու համար կազմել ընկերություն:

Հարցերս.

1) Կարելի է արդյոք 70000 ր. լավ ոռոգել 7000 դեսյատին հող, որի վրա բամբակ ցանվի, խաղող աճեցվի:

2) Զջտիվ պետք է ասել 7000* ր. բոլորովին բավական է չրի ընթացքը հիմնովին փոխելու, թե կարող է պատահել, որ շուրն իր ընթացքը այժմ էլ մի այլ տեղ կփոխե:

3) Սանահնու անտառները շահագործելու:

4) Հանքերը:

Մի խոսքով ինչ առաջարկներ ունիս, արա ընդարձակ, որոշ և շատ մանրամասն: Կոպեկներով, այլևս գանձանակով Ազգային Աթոռ չի կարելի պահել: Եվ այդ բոլորը շուտով, որովհետև ամսիս վերջին մեկնելու եմ քաղաքիցս արտասահման:

«Աղբյուրի» համար ղուշի թևով նյութ ուղարկիր: Հուլիսի 18-ն էլ վաղը լույս կտեսնի և այս 18-ի մեջ դու ոչինչ չունես: Շարվում է օգոստոս-սեպտեմբեր-ը, որ պետք է լույս տեսնեն մինչև ամսույս 20-ը և ապա ես արխային գնամ մինչև հոկտեմբեր:

Եթե Սկյուռի մասին կարող ես, փութով մի նյութ ուղարկիր, մի հրաշալի Սկյուռի, դեռ չտպված երբեք, մեծ կլիշե ստացա: Ապա մանկական ոտանավորներ: Քո տետրակի մեջ կար «Կովի կթելը», լավ բան էր: «Ծաղիկների մեջն» էլ կիսատ մնաց: Միայն շուտով ուղարկիր ինչ ուղարկելու ես, որովհետև գրաշարները երկուշաբթի, ամսույս 7-ից արդեն կսկսեն շարել օգոստոսի 18-ը:

Գեղափնջիկը վճեցի հոկտեմբերից հրատարակել, երկու շաբաթը մեկ և խոստացած 12 18-ից ավելի տալ:

Բարևներս, Քո Տ. Նազարյան (ստորագրություն):

Հովհ. Հովհաննիսյանից փութով առ իր լուսանկարը և հասցրու ինձ, ինքը ձուլ է, որ մնաց իրան, կուշանա, ալբոմի համար անհրաժեշտ է:

(ստորագրություն)

17/II. 918

Խմբագրություն

Աղբյուր և Տարազ

հանգեսների

Քիֆլիս

Սիրելի Կոստանդ,

Երեկ ստացա նամակդ, որ երկար օրեր ճանապարհորդել է: Ի՞նչու ես

* Պետք է 70000 ու. (ժ. հր.):

հիմանդացել: Սպասում եմ երկրորդ նամակիդ, որ տեղեկացնես թե ինչ ձևով Քեզ բավարարեցին: Ուրախ եմ մտադրությամբ համար: Հիշատակարանդ անշուշտ շատ հետաքրքրական կլինի, հաճույքով կգետեղեմ և Տարագում, կգաս, կտեսնես: Ես փափագ ունեմ Ղարարադ և Ղարաշաղցիներ մի մի հատոր ժողովածու հրատարակել, գուցե այնտեղ ավելի հարմար կլինի: Աղբյուրի յուրաքանչյուր համարի 2—3 երես ուղարկիր դուտ մանկական դպրոցական բնագիտական հոգվածներ: Աղբյուրի № 1-ը կրկին Քեզ ուղարկեցի, վաղուց էր լույս տեսել, և Քեզ ուղարկել էի Քո հին հասցեով: Տարագը այս շաբաթ կուղարկեմ:

Համբուրում եմ,
Տ. Նազարյան (ստորագրություն)

6

Խմբագրություն
Աղբյուր և Տարագ
հանդեսների
Թիֆլիս.
20/XI. 1919

Սիրելի Կոստանդ,

Տպագրվում է Ամանախ, որ լույս է տեսնելու դեկտ. 15-ին: Սրա մեջ մտնում են բարբառներ, Սահակ-Մեսրոպից սկսած մինչև մեր օրերը, որքան հնարավոր է: Շատ-շատերն են բանակցում և հրաշալի է լինելու: Ուղարկիր մի փայլուն ֆելիետոն Ղարաբ. բարբառով, կուզես տառերի գյուտի շուրջ և հետը մեր երկիրը, մի խոսքով բովանդակությունը ինքդ ընտրիր, միայն մի լազաթին, մնայուն բան ուղարկիր: Այդ լինելու է Գեղափնջիկ մեծագիր օրացույցի հավելված: Կուզես նոր տաբու շուրջ գրիր: Մի խոսքով, ինչ քեֆ է գրիր և հասցրու շուտով:

Այնուհետև Աղբյուրի համար միթե ամիսը մի կամ երկու երեսաչափ բան չես կարող ուղարկել: Պանորամդ բիսմըլլա արա և անունդ ու շվաքդ Աղբյուրից մի կտրիր, ես չալիշ եմ գալիս, որ ամենքդ միշտ հիշվեք և անպակաս ընեք Աղբյուրից, աննամուս անենք, դուշմանի սրտավը չընինք: Համբուրներս:

Քո Տ. Նազարյան (ստորագրություն)

Հոգեհարազատդ իմ անփոխարինելիս

Կոստանդ,

7

Zav. St. Saurent
Monte Carlo
Monaco

Հենց այս րոպեիս ստացա Ամերիկայի «Կոչնակ Հայաստ.»¹² № 19 շաբաթաթերթը (մայիս 10-ից), որ «Ազդ. կեանք» լուրերի մեջ տպված է՝ «Գիւղատնտեսի մը յօթնչեանը»: «Մայիսի 25-ին կլրանայ գյուղատնտես Կոստանդին Մելիք-Շահնազարյանի գործունեության 40-ամյակը: Կազմված է հոբել. հանձն. Ար. Երզնկյանի¹³ նախագահությամբ: Հանձնաժողովի կողմից ընտրված գործադիր մարմինը արդեն ձեռնարկած է նախապատրաստական աշխատանքի»:

Ահա բոլոր տպվածը:

Սակայն միթե սոսկ գյուղատնտես?

Միտքս նահանջում է 40 տարուց էլ դեռ և ապա մինչև այսօր: Ձեռներս դողում են, սիրտս բաբախում: Ո՛րքան-որքան երկար ճանապարհ կտրեցինք: Քո «Ղլըց է կնանոց պէնը-փէշակը...»: Աննման մեր իդիլյա Ղալա: Քանի՜

քանի՜ քնդ նման անմահ զավակներ է ծնել և այսօր ինքը մոխիր ու անծուխ։ Հրատարակական] հրասենյակիս 1 սերի հրատարակության վերջին գրքույկն է, որով սկսվում է 2-րդ սերի՝ պարբերականը՝ «Աղբյուրը»։ «Աղբյուրը», որ այնքան-այնքան փայլուն էջեր պենագարդած են քո սքանչելի ոտանավորներով, պատկերներով, պանորամաներով, պատմվածքներով ևն, ե՛ր նշեթե «Ղլըցէ կրնանոց պէնը-փէշակով» փակվեց 1 սերի հրատարակությանը, շնորհիվ ցենզուրայի, ուրիշ արգելք էլ չկարողանալով գտնել, սպազորված, գրաքննչից թույլատրված անմեղ «Ղլըցէ կրնանոց պէնը-փէշակով»-ը, շտապեցին, չտվալ հրաքննչին, և սույնը թույլտվություն տպարանից հանելու, համարելով հրատարակությունս պարբերական, իբրև թե տարին երեք անգամ էլ էլիս ժամարվում է պարբերական։ Եվ այդ եղալ խթան, որ արագացրի պայտարդ հենցուրայի դեմ ու ստացա «Աղբյուրի» հրատարակման իրավունքը, ու «Ղլըցէ կրնանոց պէնը-փէշակով» շապիկը փոխեցի, որի վրա և առետվեց «Աղբյուր» և հրատարակությունը։ Այս անդրանիկ հաղթանակու էր հենցուրայի դեմ։ Այս ժամանակ եղավ Թիֆլիսում և անդրանիկ լուսագործությունը ժանդարմների բնակարանումս։ Ղորմի քեզ, Սերգեյ իվանիչ (Պելե-աշերինց, աշըցի) հայտնի քեֆ-ռամաղ քաշած Ֆրանսիայում և վերջը ժերուլյան օրում Թիֆլիսում ժանդարմ. թարգման. իդիալիստ-լոթի, դիտմամբ մտել էր այդտեղ, այժմս միայն շմբուկում եմ։ Եվ իմ քեռուս (Համբարձում աղա Հախումյանին)¹⁴, որ այդ ժամանակը Թիֆլիսումն էր, ասել էր՝ «Լախին ասա, վախի վնշ, շենքը էս քշեր էլլա կեալաւ ըն»։ Սրա շնորհիվ էլ ես և Աղատին բանտից ազատեցի, Մարկոսյանի (Հակոբ Մեկիք-Բախտամ. կնոջ հորեղբոր) կալվածքի երաշխավորությամբ։ Եվ այնուհետև անհամար տառապանք, զրկանք, թե հաճույք, հրճվանք, հաղթություն։

Իսկ այժմս՝ «Թաւա հաւեւր րն տուս եկալ. աշկաքի ձաւնք ըն ածրմ»։ Կարծքմ ըն թա հենց ուրանք ըն։ Մախլաս։

Ապա Քեզ ինչպես ճանապարհ դրինք, Մոնպելիե։ Մի՞տղ է հրաժեշտիդ ընթրիքը Մուշտաիդի մոտ, «Սախինո» այգում,

Երբ է կատարվելու հոբելյանդ? Ես թեև ապահով «աճաւնական կեանքս» (իհարկե ոչ շնորհիվ հայերի, որոնց հետ ոչ մի առնչություն չունեմ, զգում եմ գարշանք Եվրոպայի հայերից և Եվրոպայի քաղաքագետներից), Միջագգ. մամուլին աշխատակցում եմ և զրոշներ ստանում ֆրանցից, սակայն ուշ-միտքս հայրենիքս է և Ղարաբաղը, մտորում եմ վերադառնալ և լծվել աշխատանքի Ղարաբաղի վերաշինության։ Այդ ինչպես է, որ նախիջեանը անկախ հանրապետություն է լինում, իսկ Ղարաբաղը մի նախիջեանի չափ էլ չկա? Սիրտս շատ է լիքը, Կոստանդուպոլսում կոմունիզմը հենց, մի՞թե իմ մտորմունքս չէ իրագործված։ Ամբողջ իմ կյանքը, այդ ո՞ր կոմունիստն է ժամանակակից ավելի փայլուն նկարագիր ունեցող, որ կարող լինի մրցել ինձ հետ։ Սակայն կոմունիստ, առանց բռնության, որտեղից էլ լինի, իմ «Արողա»¹⁵ մի՞թե նույն վարդապետությունը չէ։ Ես դրամի իսպառ ոչնչացման եմ կողմնակից և ընդունում եմ սոսկ «աշխատանքի չէկը»։

Կոստանդ, իցե թե հոբելյանդ կատարվի մինչև վերադարձս։ Ինչպե՞ս, ի՞նչով շնորհավորեմ Քեզ, որ տենչանքիս գեթ նվաղ արտահայտությունը լինի։ Կարոտակեզ համբույրներս Քեզ, արեւատություն Քեզ և ինձ էլ հնարավորություն վերադառնալու իմ սրտի ուզածին պես տոնելու Քեզ Գյւլվուր Ղալին գլխին¹⁶, ա՛խ, կլինի՞ այդ օրը, կտեսնե՞մ։

1923 Նոր տարուն Վիենն-Լայպցիգ-Բերլին հրատարակեցի Տարագի դիրքով «Փառասնամեակ տարագիր Աղբյուրի» նվեր ցաքուցրիվ մեր որբերին։ Բերլինում պ. Բեզգադյանի¹⁷ ձեռքը մի քանի հարյուր հատ ուղարկել եմ Հայաստան (Խորհր. Ռուս. առևտր. մաք.), ապա երկու կապոց Վեհ. կաթողիկոսին, մեկ կապոց Արմ. Երզնկյանին, Երևան և մի կապոց րժշկա. նավասարդյանին¹⁸ Թիֆլիս։ Մոսկվայից այդ կապոցներդ 3 վերջինը վերադարձրել էին ինձ Բերլին, սրանք պոստով պատվիրած էի ուղարկել և պահում եմ պոստի վերադարձածները։ Այդ հրատարակությանս մեջ տպված է քո «Աղբյուրի» 1-ին տարում ոտանավորը՝ «Ո՛հ երկրագործ, երկրագործ, քանի սի-

բուն է քո գործ...»։ Բայց կաթողիկոսի երկու կապոցից մեկն էին վերադարձրել, չգիտեմ մեկը ստացել է, թե ոչ։ Արմալիսին ուղարկել էի իր հովանու տակ հաստ. բաժանել և Քեղ ու մյուս Երևանի աշխատակիցներին։
Ջերմ համբույրներով Քո (ստորագրություն)։

23/V—924

Օղլուշաղիդ, խոխորցդ շատ-շատ բարև, համ էլ ամեն հարցնողաց։
Տ. Ն. (ստորագր.)

8

Սրտիս հատոր Կոստանյ,

Степанакерт
(Нагорный Карабах)
сельско-хозяйств.
техникум

Այս ընթացիկ, հինգշաբթի, 17 սեպտ. ստացա հույժ ցանկալի նամակդ, որին ե խնդրեցի պատասխանում եմ, թողնելով հարցերիդ պատասխանը, որ հարցումներդ անելուց (հրատարակ. շուրջ) գրեմ։

Նախ շնորհավորում եմ Քեղ և օղլուշաղիդ, որ պապիկ, տատիկ, պատրոն հու սկեսուր, հաներ հու դանքալ եք դարձել։ Բոլոր ճշմարտություններով ավելի ու ավելի կենսաբար արմատ լինեք, նորանոր ծիլություններ, ճշմարտություններով ու համեղ, բուրավից պտուղները վայելեք երկուսդ էլ դեռ շատ-շատ տարիներ, Ամամ վեր շերմերենդ ըս անըմ, արան ըռաղի չըմ։ Շուտ թիս ետ Ղարաբաղ պիտմա կյաս։

Սրան մասին ավելի լուրջ կխոսինք։

Շատ-շատ ցավեցի, որ Երևանում ոչ քեղ, ոչ Անանունին¹⁹, ոչ Աշոտ Աթանասյանին²⁰, ոչ ըմ. Վ. Արծրունուն²¹ և ոչ շատ շատերին չգտա։ Կամենում էի տեսնել Տեր-Գարեգինին²², այդ ծերունազարդ ծերունուն, որ Շուշում այնքան տանջել էին և այսօր գեթ սփոփանք են իրեն զավակները իրանց փայլուն աշխատանքներով ու մեծարում են բազմաբախտ ծնողին։

Գալով ինձ ահա 44 օր է, որ Ստեփանակերտում եմ։ Գալուցս գրել եմ հետևյալ հայտագիրը՝

«Ինքնավար և. Ղարաբաղի Կենտրոնականի նախագահության».

Տ. Նազարյանի դիմում՝

Կյանքիս փշրանքը ողջակեզ եմ բերում ինքնավար և. Ղարաբաղին։ Տոչորված եմ նրա մտավոր-էստետիկական ու տնտեսական վերաշինությունով։ Խնդրում եմ ընդունեք աշխատակցությունս, այսօրվանից համարելով ինձ Ձեր սպասում։ Ցանկալի է օր և ժամ նշանակեք լսելու զեկուցումս, հրավիրելով աշխատակիցներիդ ունկնդրության ու ապա տեղանքս լսելուց, որոշեիք լրծվելու նպատակահարմար աշխատանքի (ստոր.) Տ. Նազարյան 7. VIII. 925, Ստեփանակերտ։

Ունեցել ենք ինտիմ խորհրդակցություն լուս. կոմիսարի հետ, ուրվագծել ենք առաջարկս, որ այժմ շրջանային խորհուրդը իրանց ասելով բազմակողմանի և լրջորեն քննում է։ Ուրվագիծս ընդարձակ է։ Այս մասին գուցե պետք լինի և Երևանի հետ էլ անձամբ գամ խորհրդակցեմ։ Ղարաբաղ-Երևան հոգեպես անբաժան պիտի լինեն։ Անշուշտ հասկանում ես ինձ։

Սակայն, երբ որոշումը ուղացավ, այստեղ ամեն ինչ կրիայի քայլերով է ընթանում, սկսած պոստից։ Հարկադրված «Թիքի»²³ մի օրինակի վրա մակագրեցի և տվի լուսկոմիսարին հետևյալը. ասելով, որ երկար սպասել չեմ կարող, ահա հրաժեշտիս տոմսը՝ «Թիքի» վրա մակագրությունս՝

«Լեռնային Ղարաբաղի Պետական Մատենադարանին».

Եթե վիճակված չէ աննման Շուշուն լինել գիտության, արվեստի մանավանդ հումաշխարհային իր տպագրական գործերով, մինչև օրս էլ դեռ անմըրցակից մի նոր լայպցիգ, պահպանեցեք գեթ այդ անփոխարինելի անգին Շուշին իբրև մի նոր Պոմպեյ և նրա ստորոտում ծլող գեղանի Ստեփանակերտը: Թող աճի, բարդավաճի ու հռչակվի իբրև մի նոր Նապոլի: Այնտեղ Պոմպեյ, ավելի խավար գարում բնության տարերքին, զոհ, այստեղ Վուսաւոր»(?) դարում տղիտության-թյուրիմացության զոհ Շուշին²⁴:

Տ. Նազարյան (ստորագր.) 1/IX—925 Ստեփանակերտ, Լուս. կոմիսարը թախանձեց ինձ չհեռանալ Ղարաբաղից, գեթ մինչև ամսույս վերջը սպասել, որ արձակուրդից վերադառնա կենտգործկոմի նախագահը, ավելացնելով որ ոչ մի պայմանով Ձեզ (ինձ) Ղարաբաղից բաց չեն թողնելու. և թե ծրագիր ուրվագիծն շրջանային քարտուղարի մոտ է, քննում է և, ե, խոստացա սպասել մինչև ամսույս վերջը:

Քառասուն օր Շուշու ստորոտում, աչքերս հառած կարոտակեզ Շուշու ժայռին, վերջապես անցյալ կիրակի, սեպտ. 13-ին Ստեփանակերտի լուսանկարչին վերցրի, պայմանավորվեցի, գրպանիցս 30 ր. վճարեցի նրան ու առավոտյան 6 ժամին ոտով ճանապարհ ընկանք Շուշի և երեկոյան էլ ոտով այնտեղից ճանապարհ ընկանք ու 9 ժ. հասանք Ստեփանակերտ: Ոչ մի տեղ ոչ գնալուց և ոչ վերադարձին և ոչ Շուշում նստեցինք: Սոսկ մի 15 ռուպե թրքաց թաղում, ոսաց եկեղեցու (այժմ թրքերի թատրոն) հանդեպ մի կոռպե-րատիվ անվանված խանութում շաշ խմեցինք ու երեկոյան էլ 15—20 ռուպե վերադարձին նստեցինք, իբրև թե ճաշեցինք: Գնալ-գալիս չհոգնեցի, սակայն Շուշում բոլոր փողոցները, վերի, ներքևի հանգստարանները պտտեցի հեղեղ արտասուքով, ոտքերս ծալվում էին, սիրտս ուժգին բաբախում: Ենչասպառ էի լինում: Արտագրեցի մի շարք արձանագրություններ՝ եկեղեցիների, դպրոցների, գերեզմանների: Տասը նկար առայժմս հանեցի, 30 օր. համար, լավ չէ, գոհ չեմ հանված լուսանկարներից: Մտածում եմ հնարավորություն գտնել Թիֆլիսից լավ լուսանկար բերեմ և բոլոր փողոցները մանրամասն լուսանկարեմ: Անվնաս են մնացել բեալական դպրոցը, Ղուկասյան—Մարիամ օր. ուսումնարանը և Ժամհարյան հիվանդանոցը, այդ փառահեղ շինություններն էլ հայ կառավարությունը տվել է թրքին, բեալականում թրք. սեմինարիա, Ղուկասյան—դպրոցի խանութներում կովերի գոմ էր. խորհրդածու-թյուններ, ասելիք շատ ունեմ:

Առայժմս չեմ երկարացնում, անդադար սպասում էի, հասցեդ, ուր լինելդ իմանայի, որ սկսեի գեթ առայժմս նամակով խոսել:

Բարև ամենքին, անվանադիր չեմ գրում, ամենքին-ամենքին, և օղլուշաղիդ, գերդաստանիդ: Մի՞թե չես ստացել «Քառասնամեակ Աղբիրի» որ «Թի-քից» շատ շքեղ և մեծ, նրա մեջ տպված է և Քո «Ո՛հ երկրագործ, երկրագործ, շատ սիրուն է քո գործ...»

Կարոտակեզ համբույրներով Քո Տ. Նազարյան (ստորագր.)
17/IX. 925 Ստեփանակերտ

Нагорный Карабах,
Степанакерт
сельско-хозяйств. техникум

Սիրելի Կոստանդ, նամակդ սեպտ. 11-ից ստանալուց իսկույն պատասխանել եմ և հենց նույն օրը, ապա տեսել տեխնիկումի վարիչ Աթոնյանին, որ հարեանս է, սենյակից կից է և Լուս. ժող. կոմիսար Առաքելյանին²⁵: Ինչ ասելիքն է, ասել եմ և բրոշյուրների վերաբերյալներն էլ կարգադրել է: Քանի օրից հարցիս, թե ի՞նչ է պատասխանում, ասաց որ ինքն արդեն քեզ գրել է, որ բրոշյուրները ուղարկես, կտպագրեն: Այսօր, երկուշաբթի, հոկտ. 5-ին հարցրի, արդո՞ք պատասխան ստացավ Քեզանից: Ոչ. և խնդրեց որ ես էլ Քեդ գրեմ, ուղարկես:

Շատ է, չեմ համատում այստեղի կարգերին, ամեն ինչ ավելի դանդաղ, քան նույնիսկ կրիայի քայլերը: Ասիացիներ ամենաընդարձակ մտքով: Մախլաս: Նամակս ստանալուց ուղարկիր բրոշյուրներդ, կամենում ես բոլորը, կամենում ես մի մասս ունենալ, և իհարկե կվրեն: պայմաններդ: Թե բրոշյուրներդ և թե պայմաններդ ուղղակի ժող. կուս. կոմ. Առաքելյանին: Եթե նրանից նամակ ստացել ես, լավ, եթե ոչ, գրիր որ ուղարկում ես հեկտ. 5-ին Ս. Նազարյանին: Ձեռ հայտնած ցանկության համաձայն: Ինձ էլ իհարկե գրիր, որ մրհայրու տառնամ, շուտ տպագրեն:

Այժմ խնդիրս՝

Հենց նամակս որ ստացար, հրատապ, առանց ընդհանուր հրահանգի «ՀՀԿ» (Հայաստանի օգնության կոմիտեն)²⁸, վերցրու նրանց կանոնադրությունը (ստատուտը) մի քանի օրինակ և իսկույն պոստ գցիր ինձ հասցրու Ստեփանակերտ: Եթե այդ կանոնադրության շուրջ, նրանից առաջ, հետո էլի հրատարակություններ, հայելվածներ կան, այն էլ ուղարկիր: Ինձ մոտ կա միայն «Հրապարակ» № 21²⁷, իսկ սրա մեջ չկա տպագրված կանոնադրությունը: Հակառակ դեպքում, եթե տպագրվածը՝ կանոնադրությունը սպառված լինի, արտագրիր և այն ուղարկիր: Միայն շուտ, շատ շուտ, դուռի թևով: Պոստն էլ այստեղ անկանոն: Ես եմ դնում ամեն օր հարցնում պոստից նամակ կա՞, իրանք չեն բերում ոչ ոք: Հիսուն տարով ետ են մնացել:

Գնացի Շուշի և նույն օրն էլ ոտով գիշերը վերադարձա: Հետո տարել էի լուսանկարիչ, 10 նկար հանել տվի, երեկ կտպագրեմ: Կամենում եմ մի Տաբաթ—Երկրորդ երիտասարդություն տպագրել այստեղ, իբրև պոստալի Ղարաբաղի վերաշինության: Եթե տրամադիր է «Տրամբալի հաշանը» քերծի դրվա՞ն մի նմախառնանելու, այդ էլ հասցրու: Մի լավ ֆելիետոն, սրտաշարժ-հումոր, որ արտասահմանի դարաբաղցիք քրքիշ-արտասուքով կարդան: Միայն Հայաստանի օգնության կոմիտեի կանոնադրությունը, նախ, նամակս ստացած օրը պոստ գցի: Իմ առաջարկը՝ Ղարաբաղի վերաշինության ծրագիրս անցել է բոլոր ֆաղիսները: Սեպտ. 30 ժողովրդ. կոմիսարների հորհուրդը կենտ. բարձ. կոմիտեում ունեցավ նիստ, որ հրավիրած էի և ես, նորից լսեցին գեկուցում և միաձայն որոշեցին արգելք չհանդիսանալ իրականացնելու: Այժմ հրավիրում եմ կազմակերպչական ժողով կանոնադրությունը մշակելու և ներկայացնելու հաստատման²⁸, Հիմնադիրներ կլինես և դու, և Անանունը, և դերասաններ Աբելյանը, Ավետյանը²⁹ և մեր բոլոր Ղարաբաղի թագ ու պսակ, ցաք-ցրիվ եկածները: Անշուշտ կանոնադրությունը հաստատելուց հետո Բագու, Թիֆլիս, Երևան, պիտի գնամ բոլոր Ղարաբաղցիներին տեսնելու: Քեֆո գալու ա, որ տեսնաս ծրագիրս գործունեության: Ամմա ըստեղ շատ-շատ ըն ծանոթներիչ, էտ ա վեր ինձ հոքի—հրավարից քրքրեմ ա: Հինչ անեմ, յուրա ըմ տանըմ, հրմփերում ըմ:

Լոխցու շատ-շատ բարև թե քու օղուշաղիդ, թե մերոնց ամենքին: Եթե վասիլի Դավիդովիչ Ղորղանովը³⁰ արտասահմանից եկել է (հարցրու պետական մատենադարանում Երվանդ Թադիանոսյանից)³¹, տես վասիլի Դավիդովիչին, ինձանից շատ հարց ու բարև: Ուրախ կլինեմ, որ տեղեկացնի իր և տիկնոջ վիճակը: Ասա երեկ նոյեմբերին մի քանի օրով Երևանում ըրվամ:

Հիասքանչ եղանակ, հրաշակերտ բնություն, ուղղակի մնացել եմ զմայլված և ապշած, թե ինչպես այսպիսի անզուգական աշխարհը այսքան թշվառ, այս աստիճան ամալի. գեթ մի երեք տարի ապրեմ և ինձ խոչընդոտն չլինեն, հրապարակ պիտի հանեմ մեր այս աշխարհը Շվեդարիայի հետ մրցության կանչելով: Բացվում են շատ դպրոցներ: Ալթունյան, Մեյուրյան, էդիլյան³² արգեն պաշտոն ունեն: Քանի օր է եկել է և Ռոմանենո Մելիքյան: Անհամար վարժուհիներ է, որ ամեն օր ճանապարհում ենք գյուղորայքը: Ափսոս միայն պոստը սեփական. շանում եմ որ ամեն օր գնա դա: Ապա շուրջ քիչ է, շուտով ջուր բերենք: Շինվում են շատ տներ: Շուշու վերաշինության շուրջ խմորը շատ ջուր կտանի. անձամբ, ապա թե ոչ տասնյակ թերթեր պիտի գրեմ³³, Կարոտակեզ համբույրներովս Քո Տ. Նազարյան (ստորագրություն):

6/X. 925 Ստեփանակերտ

Нагорный Карабах,
Степанахерт,
сентября-ноября 1918 г.

10

Սիրելի Կոստանդ,

Սիրելի Կոստանդ, հոկտ. 6-ին գրածս ստացած կլինես և անշուշտ թե 204-ի կանոնադրությունը և թե խնդրածս նվախտ ֆելիետոնը պոստ գցած, Այստեղ պոստը շատ անկանոն է, Քո նամակը ստացա հոկտ. 3-ին և իսկույն դնացի թե լուս. ժող. կոմիտե, թե շրջանային քարտուղար Հայկ Սեյլանյանին, կարդացին նամակդ, խոսադի, ոգևորեցի, խոստացա, կատարածի փափագս, Քեզ անհապաղ հրավիրել: Ապա գնացի ընկեր Ղարաբյուրյանին⁸⁴, եզրակացություն և УЛЬТИМАТУМ-И, որ այս առաջիկա մինչև կիրակի 17 հոկտ. դու պաշտոնապես ստանաս հրավեր:

Երեկ կրկին ընկ. Սեյլանյան տեսա. ասաց, որ Հոգ. ժող. կոմատի հետ էլ խոսացել է, և դու պաշտոն կունենաս թե՛ Ստեփանակերտում և թե գյուղերում:

Ընկեր Առաքելյանը նույնպես վստահեցրեց և ասաց, որ մինչև այս ամսույս 17—20-ը թուղթը՝ հրավերը կուղարկվի իրան:

Սա պնդում է, որ բրոշյուրները իրան ուղարկելու, Քեզ ինքը պաշտոնապես էլ գրել է:

Հենց Հարաբաշի օգնության Կոմիտեն որ հաստատվեց, բաց կթողնենք կոչը, ուրեմն ֆելիետոնդ հասցրու իսկույն:

Եթե լեռն տեղդ է, ասա նրան մի 10—20 տող էլ այդ կոչի մասին ինքը իր անունից նաև կանչի և ուղարկի անհապաղ:

Ապա ես կգնամ քանի օրով Բազու, Գանձակ, Թիֆլիս և Երևան. տեղի մեր ղարաբաղցիների հետ էլ խելք խելքի սալու:

Երկու անգամ Շուշույ պատգամավորություն եկավ ինձ բարեգալիք և հրավեր Շուշու: Հրավերը իհարկե ընդունեցի օդում, խոստանալով երբ գնամ, իրանց կայցեկեմ:

Գնացել էի Շուշու ոտով և այնպես էլ վերադարձել, լուսանկարչին վարձել էի, մի շարք տեսարաններ լուսանկարեց, գոհ չեմ: Լուտեյը^(*) կուգեմ:

Ներփակյալս տուր Վասիլի Ղորղանյանին պետ. մատենադարան (Եր. Թաղիանոսյանին), Աբելյանին, Ավետիսյանին և ամենքին համբույրներս և բարեկեցություն: Իհարկե ապագայում օղլուշաղդ էլ կգա, բժիշկ տղադ էլ այստեղ կպաշտոնավարե:

Քո Տ. Նազարյան (ստորագր.)

12/X. 925

Այսօր (հին տոմար 29 սեպտ.) լրացավ 67 տարիս, դրա... էլ այս ավետարներ նամակս, որ հրավեր կստանաս ծննդավայրումդ շարունակելու պանծալի աշխատանքդ: Քո Տ. Նազարյան (ստորագր.)

11

Тифлис, Дворянская, 14

Սիրելի Կոստանդ, Ղարաբաղից վերադարձա. թշվառ մեր ծննդավայր: Ասում-գրում էիր «եկ-եկ-եկ», ահա և եկի: Թամարդ⁸⁵ էլ է գալու, երևի կգրի: Ղարաբաղը առանց յուրայինների: Չգիտեմ առաջժամ որոշելիքս: Կգամ Երևան, կխորհրդակցենք: Լեռյին, Ստ. Կանայանին⁸⁶, Դ. Անանունին և ամենքին բարեկեցություն ոչ դու, ոչ լեռն խնդրածս հողավածները Ստեփանակերտ շուղարկեցիք, կգամ անձամբ կստանամ:

Հասցես՝ վերև գրածս:

Իսկ երբ կգամ Երևան, շփոթեմ, համենայն դեպս մինչև մարտի վերջը Թիֆլիսումը եմ: Բարե օղլուշաղդիդ.

Համբույրներովս Քո Տ. Նազարյան (ստորագրություն)

17/III. 926 Թիֆլիս

Սիրելիս Կոստանդ, Երևանից ուղի ընկնելուցս Քեզ շտեմա.

Խնդիրս՝ Արցախի⁸⁷ համար

1) Տմբաշի Խաչանի մի հակիրճ ֆելիետոն. թարիփլամա Ղարաբաղին, հողուշրին, մարդ ու կնկա, ծաղիկ ու ծառին, օդ ու անտառին, այս բոլորը աշակերտական տետրակի 2—3 երեսից ոչ ավելի:

2) Լեռնին ասա, որ խնդրածս հոգվածը դարձյալ նույն իմաստով և նույնքան՝ 2—3 երես աշակերտական:

3) Բժշ. Խուրշուդ Մելիք-Փարսադանյանին⁸⁸, որ տված հոգվածիս հակիրճ ամփոփումը, բնագրի հետ հասցնե ինձ փութով:

Այդ երեք հոգվածները գիրս ձեռիդ հասած ընկերից 24 ժամվա ընթացքում պոստ պիտի փոխվի ֆցված ընդ: Ասիս վեջ անց կենաս, մեհասուլ տառ, որ հասնի:

Հասցե՝ Тифлис, Дворянская, 14 (Крестьянская),
Т. Назаряну, кв. Ив. Назарова

Բարև օղլուշաղիդ և ամեն հարցնողաց

Թիֆլիս, 24/V. 926

Տ. Նազարյան (ստորագրություն)

Մնացած երկար հոգվածդ, որ ինձ կարդացիր, հետևյալ Ձ-ից մաս-մաս:

Մ ա ն ք ա գ ր ու թ յ ո ն ն Ե ր

1. Մելիք-Շահնազարյան Կոնստանդին, Տմբաշի Խաչան (1857—1940). մասնագիտությամբ գյուղատնտես, գրող-երգիծաբան, հասարակական գործիչ, հրապարակախոս:

2. Աղբյուր. մանկական պատկերազարդ ամսագիր, հրատարակվել է Թիֆլիսում (1883—1918), հիմնադիր-հրատարակիչ, խմբագիր՝ Տ. Նազարյան:

3. Հավանաբար նկատի ունի ղեկառան, հասարակական գործիչ Հ. (Վա-նո) Տեր-Գրիգորյանին (1851—1931):

4. «Արևելք». օրաթերթ, հրատարակվել է Կ. Պոլսում (1884—1912):

5. Հավանաբար Գաբրիել Միրզոյան:

6. Մնացական—Տ. Նազարյանի քեռին՝ Մ. Հախումյան:

7. Վարժարան. մանկավարժական ամսագիր, լույս է տեսել Թիֆլիսում (1882—1884):

8. Բոգդանով Մ. (1841—1888). ռուս գիտնական-բնախույզ, կենսաբան. գրել է նաև բնագիտական բովանդակությամբ մանկական գրքեր:

9. Տեր-Ավետիքյան Նիկողոս. հասարակական գործիչ, թղթակցել է «Աղ-բյուրին»:

10. Տիկին Սոֆիա. Կ. Մելիք-Շահնազարյանի կինը:

11. Հայր Բաբգեն. էջմիածնի միաբաններից:

12. Կոչնակ Հայաստանի, Հայաստանի կոչնակ (1900—1968). տպագրվել է Միացյալ Նահանգներում (Նյու Յորք, Բոստոն), քաղաքական, տնտեսա-կան, կրոնաբարոյական շարաթաթերթ (1960-ից՝ ամսաթերթ):

13. Երզնկյան Արամայիս (1879—1939). քաղաքական, պետական գործիչ:

14. Համբարձում Հախումյան. Տ. Նազարյանի քեռին, Շուշվա մեծահա-րուստներից, նաև ազգային բարերար:

15. «Արողան» լույս է տեսել 1913 թ.:

16. Գյավուր-Ղալա (Անհավատի բերդ). Շուշին կոչվում էր նաև Գյա-վուր-Ղալա, որը հուշում է նաև նրա պատկանելիությունն ու ծագումը:

17. Բեկզադյան Ալեքսանդր (1879—1939). քաղաքական, պետական գոր-ծիչ, հրապարակախոս:

18. Նավասարդյան Բազրատ (1852—1934). բժիշկ, հասարակական գոր-ծիչ, հրապարակախոս:

19. Անանուն Դավիթ, Տեր-Դանիելյան (1879—1942). քաղաքական, հասարակական գործիչ, պատմաբան, հրապարակախոս:

20. Աթանասյան Աշոտ, Սալ-Ման (1870—1941). մասնագիտությամբ դուրդատնետես, հրատարակիչ-լրագրող, երգիծաբան:

21. Արծրունի Վահան (1857—1947). մասնագիտությամբ բժիշկ, հասարակական գործիչ, մանկավարժ, լրագրող:

22. Տեր-Գարեգին. Շուշվա քահանաներից: Քաղաքական գործիչ, պատմաբան Աշոտ Հովհաննիսյանի, համալսարանի ռեկտոր Հակոբ Հովհաննիսյանի (1922—30) հայրը, որին Շուշին հրկիզելու ու ավերելու օրերին թուրքերը ենթարկել էին խոշտանգումների:

23. «Թիքան» Տ. Նազարյանը տպագրել է Եվրոպայում 1923 թ. բարեգործական նպատակներով:

24. Ղարաբաղի վերաշինության՝ Տ. Նազարյանի ծրագրերի մասին տե՛ս նրա «Կոչ Օսմաննա Ղարաբաղին» (մեր հրապարակումը՝ «Երեկոյան Երևան», 1990, № 4):

25. Առաքելյան Առաքել (1887—1980). բանասեր, հասարակական-մշակութային գործիչ, ուսուցիչ:

26. Հ04 (Հայաստանի օգնության կոմիտե). հիմնադրվել է 1921 թ. սեպտեմբերին, դադարել գործելուց 1937-ի դեկտեմբերին: Ունեցել է շուրջ 200 մասնաճյուղ արտերկրում:

27. «Հրավիրակ». Հ04-ի պաշտոնական պարբերականը Հայաստանում (1925—1928):

28. Ղարաբաղի օգնության կոմիտե՝ Հ04. Եվրոպայից հայրենիք վերադառնալուց հետո Տ. Նազարյանին հաջողվում է Հ04-ի օրինակով Ստեփանակերտում հիմնադրել Ղարաբաղի օգնության կոմիտե: Հ04-ի հետագա ճակատագիրը մեզ հայտնի չէ. հավանաբար այն գերեզման իջավ իր կազմակերպչի հետ միասին:

29. Ավետյան. հավանաբար Ավետյան Ավետ (1897—1971). դերասան:

30. Ղորղանյան (Կորզանով) Վասիլ Դավիթի (1865—1934). զինվորական, երաժշտագետ, հասարակական գործիչ:

31. Թաղիանոսյան Երվանդ (1864—1948). հասարակական գործիչ, լրագրող, թարգմանիչ:

32. Ալթունյան, Մեջլումյան, Էդիլյան. մանկավարժներ, բրոնք 20-ականի սկզբներին Ղարաբաղ էին գնացել երկրամասի երթական գործին մասնակցելու համար:

33. Շուշին վերականգնելու խնդիրն իրոք շատ ջուր է վերցնում: Տ. Նազարյանը մտադիր էր Շուշին կոոպերատիվ հիմունքներով վերականգնել և այդ կապակցությամբ դիմում է Անդրգործկոմի նախագահությանը: (Տե՛ս այդ մասին հաս-քաղաքական ուղղությունների հետազոտման ինստիտուտի արխիվ, ֆ. 1022, ց. 2, դ. 203, թ. 1—2): Սակայն մարզի այն ժամանակվա ղեկավարությունը խափանում է բոլոր փորձերը:

34. Ղարազյոզյան (Կարակոզով) Արմենակ (1890—1937). քաղաքական, պետական գործիչ: Վարել է թուրքամետ քաղաքականություն:

35. Շահնազարյան Թամար (1901—1978). Կ. Մեկիք-Շահնազարյանի դուստրը, երգչուհի, մանկավարժ:

36. Կանայան Ստեփան (1860—1936). բանասեր, պատմաբան, մանկավարժ:

37. «Արցախ». Տ. Նազարյանը Հ04-ի ծրագրերի իրականացման շրջանակներում, մտադիր էր հրատարակել «Արցախ» ամսական հանդես:

38. Մեկիք-Փարսադանյան Խուրշուդ (1883—1959). բժիշկ-մանկավարժ, հասարակական գործիչ: